

Pružanje podataka i znanja za ostvarenje  
evropskih okolišnih i klimatskih ambicija

# Strategija EEA-Eionet 2021. - 2030.



Dizajn naslovnice: PomilioBlumm  
Naslovna fotografija: PomilioBlumm  
Izgled: PomilioBlumm - EEA

### Pravna obavijest

Sadržaj ove publikacije ne odražava nužno zvanična mišljenja Evropske komisije ili drugih institucija Evropske unije. Ni Evropska agencija za okoliš niti bilo koji pojedinac ili društvo koji djeluju u ime Agencije nisu odgovorni za moguću upotrebu informacija sadržanih u ovoj publikaciji.

### Obavijest o autorskim pravima

© Evropska agencija za okoliš, 2021.  
Reprodukcija je odobrena pod uvjetom navođenja izvora.  
Kancelarija EU za publikacije, 2021

Više informacija o Evropskoj uniji dostupno je na internetu. (<http://europa.eu>)

ISBN 978-92-9480-360-3  
doi: 10.2800/92395

## O EEA i Eionetu

Evropska agencija za okoliš (EEA) je agencija Evropske unije. Naš zadatak je davati tačne, nezavisne informacije o okolišu i klimi. Propis kojim se osniva EEA Evropska unija je usvojila 1990. godine, a Agencija je započela rad u Copenhagenu 1994. godine. Tim propisom osnovana je i Evropska informacijska i posmatračka mreža za zaštitu okoliša (Eionet). Eionet je partnerska mreža EEA i njenih zemalja članica i saradnica. Eionet uključuje i Evropske tematske centre – konzorcije evropskih organizacija stručne za konkretna područja okoliša, koji podržavaju zemlje članice EEA i Eioneta.

U svrhu podrške stvaranja politika u Evropi, blisko sarađujemo s državnim i evropskim institucijama, posebno s Evropskom komisijom, Evropskim parlamentom i Vijećem Evropske unije.

[eea.europa.eu/about-us](http://eea.europa.eu/about-us)

European Environment Agency  
Kongens Nytorv 6  
1050 Copenhagen K  
Denmark

Tel: +45 33 36 71 00  
Web: [eea.europa.eu](http://eea.europa.eu)

Pružanje podataka i znanja za ostvarenje evropskih okolišnih i klimatskih ambicija

# Strategija EEA-Eionet 2021. - 2030.



Ovaj dokument predstavlja viziju i strateške ciljeve koji će oblikovati rad Evropske agencije za okoliš i Evropske informacijske i posmatračke mreže za zaštitu okoliša narednih decenija. Rad će biti provođen u okviru pet područja rada navedenih u ovom dokumentu. Više informacija o konkretnim aktivnostima bit će navedeno u pojedinačnim programskim dokumentima.



# Evropska agencija za okoliš i Evropska informacijska i posmatračka mreža za zaštitu okoliša

## Pružanje znanja utemeljenog na dokazima o evropskom okolišu i klimi

### O nama

Evropska agencija za okoliš (EEA) i Evropska informacijska i posmatračka mreža za zaštitu okoliša (Eionet) pružaju podatke i informacije o evropskom okolišu i klimi evropskim građanima i donositeljima politika od 1994. godine. Danas naša široka mreža povezuje stotine institucija iz 38 zemalja članica i saradnica.

Baza znanja koju smo formirali zajedno je široka, a obuhvata razmjene mjerenja kvaliteta zraka širom Evrope skoro u stvarnom vremenu do dokumentiranja trendova i projekcija stakleničkih plinova, pružanja satelitskih podataka o pokrivenosti tla i izrade integriranih procjena stanja evropskog okoliša i klime.

### Šta čini EEA-Eionet jedinstvenim?

- **Mreža usmjerena na dodavanje vrijednosti:** Povezivanje institucija širom Evrope i stvaranje vrednovanja, jačanja kapaciteta, racionalizacije, kao i razmjene najboljih praksi.
- **Podatkovna infrastruktura:** Inovativna infrastruktura e-izvještavanja za državne i međunarodne protoke podataka, zasnovane na procesima osiguranja kvaliteta.
- **Znanje potkrijepljeno podacima:** Sastoji se od procjena, indikatora i analiza napretka-do-cilja korištenjem najšireg i najaktuelnijeg prikupljanja podataka na teme okoliša i klime.
- **Podrška politike:** Uspostavljanje uloge znanja na osnovu bliske saradnje s donositeljima politika širom Evrope i doprinosa ključnim globalnim procesima.
- **Analitička stručnost:** Kapacitet za procjenu napretka, mogućnosti, pokretača promjena i potencijalnih odgovora politike, što pokriva širok spektar tema okoliša i klime.

## Odgovor na buduće izazove

### Jačanje otpornosti zahtijeva ambiciozne politike podržane primjenjivim znanjem

Tokom naredne decenije Evropa će se morati suočiti s okolišnim i klimatskim izazovima bez presedana i istovremeno poticati oporavak od ekonomskih i društvenih utjecaja COVID-19. Evropski zeleni plan i povezane mjere za poticanje zelenog oporavka pokazuju ambicije Evropske unije i evropskih zemalja za rješavanje tih izazova postavljanjem dugoročnih ciljeva, s konkretnim posebnim ciljevima, i uspostavljanjem novih finansijskih instrumenata.

Evropski izvještaj o okolišu – stanje i izgledi (SOER 2020) koji je sačinila EEA pozvao je na systemske odgovore na okolišne i klimatske izazove putem akcija na nekoliko frontova. Potpuna provedba postojećih politika o okolišu i klimi ključna je za stvaranje značajnih unapređenja. Također, potpuna integracija ciljeva održivosti u društveno-ekonomske politike i mjere pomoći će u postizanju ekonomičnih i pravednih prijelaza ka održivosti. Pored toga, Evropa ujedno treba stvoriti uvjete za održivije načine života. Za to je potrebno podizanje svijesti javnosti o utjecajima potrošnje i angažman privrednih društava kao podrške potrebnim prijelazima. Mnogi ciljevi neće biti ostvareni bez koordiniranih, globalnih napora, tako da će Evropa trebati iskoristiti utjecaj na svoje susjedstvo kao i na globalnom nivou.


Izbori donositelja odluka, privrednih društava i građana u narednoj deceniji odredit će kada i kako će Evropa ostvariti svoje ambicije. EEA-Eionet Strategija 2030. podržat će te izbore pružanjem upotrebljivih znanja o trendovima, izgledima i rješenjima za održivu Evropu.

### Velika eksplozija podataka



Uzimajući 2002. godinu kao početnu tačku (pokretanje Reportneta), ova vizualizacija pokazuje kontinuiran rast podataka dobivenih o četiri teme okoliša.

Danas obrađujemo skoro 250 puta više podataka nego 2002. godine.



# EEA-Eionet Strategija 2021. - 2030.

## Pružanje podataka i znanja za ostvarenje evropskih okolišnih i klimatskih ambicija

### Šta želimo postići: Vizija za 2030.

EEA i Eionet će omogućiti održivu Evropu putem provjerenog i upotrebljivog znanja za informirano donošenje odluka o prioritetima i rješenjima, u skladu s ambicijama evropske politike.

### Dosezanje dalje od članova Eionet-a

Ambicija Evropskog zelenog plana zahtijeva da Evropa djeluje globalno, sa svojim susjedima i partnerima. Mobilizirat ćemo stručnost i resurse kao podršku tim ambicijama, posebno u zemljama Zapadnog Balkana.

## Ambicije evropske okolišne i klimatske politike

Suočavanje s okolišnim i klimatskim izazovima je zadatak koji definira naše doba. Za ostvarenje održive budućnosti, inicijative politika, uključujući Evropski zeleni plan, pozivaju na akciju po sljedećim tačkama:

- Zaustaviti gubitak bioraznolikosti i oporaviti ekosisteme
- Postići nultu neto stopu emisija stakleničkih plinova 2050. godine i klimatsku otpornost
- Ostvariti ambiciju nulte stope zagađenja za okoliš bez toksičnosti
- Ostvariti efikasno korištenje resursa u kružnoj privredi
- Uključiti održivost u sve politike EU

Imat ćemo centralnu ulogu u pružanju podrške okolišnim i klimatskim akcijama prema ovim ključnim evropskim politikama i u provedbi Osmog akcionog programa za zaštitu okoliša.

Također ćemo podržati globalne napore, uključujući Agendu za održivi razvoj 2030. i Ciljeve održivog razvoja.

## Kako ćemo raditi: strateški ciljevi

### SC1 Podržavanje provedbe politike i prijelaza održivosti

Pružati znanje zasnovano na dokazima kao podršku provedbi politike i izradi novih inicijativa za ubrzanje i pojačavanje prijelaza ka održivosti.

### SC2 Pružanje pravovremenih informacija za rješenja izazova održivosti

Pružati ciljne informacije za politiku i javne rasprave organiziranjem i saopćavanjem znanja o odgovorima, uključujući inovativna rješenja za društvene izazove.

### SC3 Gradnja snažnijih mreža i partnerstava

Ojačati našu mrežu aktivnijim angažmanom na nivou države i saradivati s drugim vodećim organizacijama za olakšavanje razmjene znanja i stručnosti.

### SC4 Potpuno iskorištavanje potencijala podataka, tehnologije i digitalizacije

Prihvatiti nove tehnologije, uključujući digitalizaciju, velike količine podataka, umjetnu inteligenciju i posmatranje Zemlje koje će dopuniti i po mogućnosti zamijeniti postojeće izvore informacija za bolju podršku donošenju odluka.

### SC5 Resursi za naše zajedničke ambicije

Razviti strukture, stručnost i kapacitete širom naše mreže za ispunjavanje sve većih potreba za znanjem, osiguranje i diversifikaciju resursa potrebnih za ostvarenje naše zajedničke vizije.

## Šta ćemo uraditi: područja rada

Pružiti ćemo upotrebljivo znanje iz pet područja rada. Evropski proizvodni sektori (uključujući poljoprivredu, šumarstvo, ribarstvo i industriju) kao i sistemi potrošnje i proizvodnje (energija, mobilnost, hrana i građevinarstvo) bit će pokriveni ovim međusobno povezanim područjima rada:



### Bioraznolikost i ekosistemi

Suočena s kontinuiranim gubitkom bioraznolikosti i uništavanjem ekosistema, Evropa nastoji vratiti prirodu u naše živote. Pratit ćemo taj prijelaz i podržati provedbu i evaluaciju radnji u tom području, uključujući razvoj prirodnih rješenja.



### Kružna privreda i upotreba resursa

Pratit ćemo napredak prijelaza Evrope ka kružnoj privredi i ostvarene okolišne i klimatske koristi. Procijenit ćemo napore Evrope za smanjenje utjecaja koje izazivaju potrošnja naših društava i proizvodnja sirovina, proizvoda, usluga i otpada.



### Ublažavanje klimatskih promjena i prilagođavanje

Klimatske promjene dešavaju se sada i bit će nastavljene u narednim decenijama. Cilj Evrope je da postigne klimatsku neutralnost do 2050. godine i postane otpornija i manje osjetljiva na klimatske promjene. Pratit ćemo taj prijelaz i podržati razvoj, provedbu i evaluaciju politika i mjera u tom području.



### Trendovi, izgledi i odgovori održivosti

Možemo ostvariti svoje ambiciozne ciljeve poticanjem temeljnih promjena načina života i obrazaca potrošnje i proizvodnje koji pokreću neodržive trendove. Procijenit ćemo trendove i izgleda širom okolišnih prioriteta, sektora, sistema i politika, te angažirati sudionike u inovacije i druge odgovore potrebne za ostvarenje Evropskog zelenog plana.



### Ljudsko zdravlje i okoliš

Procijenit ćemo utjecaj na ljudsko zdravlje koji vrše zagađivači okoliša i klima Evrope koja se mijenja, te unaprijediti razumijevanje društvenih i demografskih faktora koji utječu na izloženost i osjetljivost građana Evrope. Podržat ćemo evropske ambicije za nultu stopu zagađenja i provedbu odgovarajućih evropskih i državnih aktivnosti.



# VIZIJA

## EEA-Eionet vizija za 2030.



**Omogućiti održivu Evropu na osnovu provjerenog i primjenjivog znanja za informirano donošenje odluka o okolišnim i klimatskim prioritetima i rješenjima**

### Zajednička vizija za održivu Evropu

Naša vizija je omogućiti održivu Evropu na osnovu provjerenog i primjenjivog znanja za informirano donošenje odluka o okolišnim i klimatskim prioritetima i rješenjima, u skladu s ambicijama politike Evrope.


EEA i Eionet će zajedno predstavljati vodeću mrežu za znanje o okolišu i klimi relevantno za politiku na nivou Evropske unije i pojedinačnih država.

### Naša misija

Naša misija je procijeniti podatke i informacije, omogućiti relevantne i pravovremene uvide u napredak ka ciljevima okolišne i klimatske održivosti i željenim društvenim prijelazima, te osigurati kontinuirano praćenje za potpunu provedbu relevantnih okolišnih i klimatskih politika.

Prepoznavamo da će ambiciozni okolišni i klimatski ciljevi Evrope biti ostvareni putem niza odluka i međusobno povezanih izbora na različitim nivoima - evropskom, regionalnom, državnom i lokalnom, te će zahtijevati da sarađujemo s ključnim partnerima i drugim organizacijama. U realizaciji naših programa rada blisko ćemo sarađivati s drugim pružateljima znanja.


Za ostvarivanje većeg utjecaja, usmjerit ćemo se također na ciljanu i pravovremenu komunikaciju za osiguranje šireg prihvatanja kod donositelja odluka i javnosti.





# STRATEŠKI CILJ 1

## Podržavanje provedbe politike i prijelaza održivosti



### **Pružati znanje zasnovano na dokazima kao podršku provedbi politike i izradi novih inicijativa za ubrzavanje i pojačavanje prijelaza ka održivosti**

Naše znanje, zasnovano na najnovijim naučnim saznanjima i podacima osiguranog kvaliteta pomoći će Evropi – Evropskoj uniji, njenim zemljama članicama i drugim zemljama članicama i saradnicama EEA – da postignu svoje ciljeve politika, uključujući one koji su utvrđeni u Evropskom zelenom planu, Osmom akcionom programu za zaštitu okoliša i globalnim obavezama.

Evropska agencija za okoliš i Evropska informacijska i posmatračka mreža za zaštitu okoliša će:

- Sačiniti znanja za olakšavanje provedbe politika i doprinos novim inicijativama koje mogu ubrzati i pojačati prijelaz do održivosti
- Dodatno sačiniti i koristiti naš širok spektar kvalitetnih skupova podataka s dugim vremenskim nizovima koji podržavaju širok spektar okolišnih i klimatskih politika
- Osigurati da koristimo najbolju raspoloživu nauku angažiranjem Naučnog odbora EEA i šire naučne zajednice
- Sačiniti i prosljediti znanja o ključnim izazovima održivosti i rješenjima u sistemima energije, mobilnosti, hrane i izgrađenog okoliša
- Suočiti se sa širim izazovima i prilikama prijelaza održivosti na evropskom i nivou pojedinačnih država, uključujući one koji omogućavaju takvu promjenu, kao što su finansijski sektor i gradovi
- Jačati naš kapacitet za doprinos evaluaciji politika i mjera.


Podržavanje uključivanja znanja o okolišu i klimi u politike privrede, prostornog planiranja i društvene kohezije – uključujući detaljnije uvide u evropsko-globalnu dinamiku i njihove implikacije za provedbu politike širom Evrope – je prioritet za ovu strategiju.

U periodu 2021. - 2030. godine također ćemo podržati relevantne procedure politika EU kao što su Evropski semestar i Pregled provedbe okolišne politike s unaprijeđenim znanjem o, naprimjer, ključnim trendovima i indikatorima, ekonomičnim praksama provedbe i mogućnosti za pojačanje društvenih inovacija za ostvarenje ciljeva održivosti.



# STRATEŠKI CILJ 2

## Pružanje pravovremenih informacija za rješenja izazova održivosti



### **Pružati ciljne informacije za politiku i javne rasprave organiziranjem i saopćavanjem znanja o odgovorima, uključujući inovativna rješenja za društvene izazove**

Utjecaj znanja EEA-Eionet zavisit će od naše sposobnosti i mogućnosti njegovog iznošenja u relevantne javne i političke debate u pravo vrijeme i u pravom formatu. U tu svrhu ćemo:


- Povećati naš kapacitet za praćenje i identifikaciju nove problematike i za brzu mobilizaciju relevantnog znanja iz naše mreže i od drugih partnera
- Ojačati naš kapacitet za davanje neposrednog odgovora na zahtjeve za znanjem od donositelja politika
- Dijeliti inovativna rješenja implementirana na različitim nivoima upravljanja u evropskim zemljama
- Sačiniti i dostaviti svoja znanja donositeljima politika i javnosti u formatima koji su najadekvatniji za njihove potrebe za olakšanje šireg prihvatanja i upotrebe u donošenju odluka
- Kontinuirano razvijati komunikacijske pristupe, kanale i sredstva kako bismo osigurali da naše znanje bude razumljivo i dostupno svima, uz jačanje našeg kapaciteta za aktivan angažman s građanima.

Istraživači, praktičari, donositelji odluka, organi za finansiranje, gradovi i organizacije civilnog društva sarađivat će kroz aktivno učešće u prijelaznim procesima.



# STRATEŠKI CILJ 3

## Gradnja snažnijih mreža i partnerstava



### **Ojačati našu mrežu aktivnijim angažmanom na nivou države i saradivati s drugim vodećim organizacijama za olakšavanje razmjene znanja i stručnosti**

EEA i Eionet okupljaju stotine organizacija – evropske institucije, državne organe i istraživačke institucije iz cijele Evrope. Naša mreža obuhvata sve zemlje članice EU, zemlje uključene u proces pristupanja EU, kao i veliki broj zemalja koje nisu članice EU.

Mi činimo jedinstvenu mrežu znanja koja spaja pouzdane podatke, analitičku i naučnu stručnost s evropskim i, u nekim slučajevima, globalnim procesima politika. To nam omogućava da provodimo integrirane procjene koje pokrivaju najširi spektar tema potkrijepljenih pouzdanim podacima i stručnošću.

Za pružanje znanje potrebnog Evropi za ostvarivanje ciljeva održivosti, mi ćemo:

- Transformirati se u fleksibilniju i inovativniju mrežu znanja, koja bolje spaja snažnu stručnost na nivou država s evropskim nivoom
- Poticati aktivniji angažman na nivou država, pomoću aktivnosti koje uključuju raznolik skup organa, organizacija i javnosti
- Ujediti napore s drugim vodećim mrežama, kao što je Mreža agencija za zaštitu okoliša, izvještajnim i naučnim mrežama i asocijacijama
- Identificirati zajednicu znanja i saradivati s njom na evropskom nivou za garantiranje potpune upotrebe ulaganja u istraživanje i inovacije u Evropi
- Identificirati nove nedostatke u znanju i istraživati kolaborativne aktivnosti s relevantnim partnerima, uključujući agencije EU kao što su Evropska hemijska agencija, Evropska agencija za sigurnost hrane i Evropski centar za sprečavanje i kontrolu bolesti, kako bi pomogli u njihovom otklanjanju
- Dodatno jačati saradnju s međunarodnim institucijama u ključnim regionalnim i globalnim procesima, uključujući tijela Ujedinjenih naroda i Konvencije, za obaveze izvještavanja i teme od zajedničkog interesa.



# STRATEŠKI CILJ 4


## Potpuno iskorištavanje potencijala podataka, tehnologije i digitalizacije

**Podržati provedbu i daljnji razvoj agende politika Evrope, prihvatiti evropsku podatkovnu strategiju i digitalnu agendu, potencijal velikih količina podataka, umjetne inteligencije i posmatranje Zemlje za unaprijeđeno pružanje informacija**

Digitalne tehnologije, podaci iz novih izvora i posmatranja Zemlje i kompjuterske sposobnosti razvijaju se brzinom bez presedana već deceniju. Ta postignuća predstavljaju nove mogućnosti kao i nove izazove. Novi protoci podataka na više prostornih nivoa sve više se ujedinjaju s utvrđenim izvorima podataka, spajaju sa društveno-ekonomskim varijablama i podacima u skoro realnom vremenu iz satelitskih i *in-situ* posmatranja.

S obzirom na to da očekujemo nastavak ove podatkovne revolucije i digitalizacije u narednoj deceniji, te u svrhu unaprijeđenja našeg rada s podacima i znanjem, mi ćemo:

- Intenzivirati razmjenu podataka, automatizaciju i racionalizaciju praćenja i izvještavanja širom naše mreže
- Omogućiti da naše podatke bude lako naći, da su interoperabilni, pristupačni i upotrebljivi iznova kao vodeći evropski centar podataka o okolišu
- Iskoristiti u potpunosti potencijal Copernicus podataka i informacijskih usluga, građanske inicijative u području nauke, velikih količina podataka i umjetne inteligencije
- Unaprijediti pravovremenost, komparabilnost, granularnost i integraciju podataka, uključujući potencijal za vrednovanje
- Omogućiti kontinuiranu inovaciju potaknutu podacima s fokusom na naprecima u prikupljanju podataka, analitici, geografskim informacijskim sistemima, podatkovnim vizualizacijama i modeliranju za redovno ažuriranje indikatora
- Olakšati razmjenu stručnosti, tehničke podrške i racionalizacije potrebnu za bolju provedbu postojećih politika
- Istraživati i, gdje je to relevantno, procijeniti veze između digitalizacije i okolišne i društvene održivosti.





# STRATEŠKI CILJ 5

## Resursi za naše zajedničke ambicije




**Razviti strukture, stručnost i kapacitete širom naše mreže za ispunjavanje sve većih potreba za znanjem, osiguranje i diversifikaciju resursa potrebnih za ostvarenje naše zajedničke vizije**

Kontinuirani razvoji znanja, tehnologije, komunikacije i upravljačkih praksi zahtijeva da organizacije i mreže prilagode i inoviraju postojeće strukture i sredstva i ulažu u nova područja.

Kako bismo bili na proćelju tih razvoja i ostvarili svoje zajedničke ambicije, mi ćemo:

- Privući vrhunske talente i ulagati u svoje osoblje za razvoj i održavanje kompetencija i stručnosti potrebnih za ostvarenje ove vizije
- Omogućiti upravljaju diversifikaciju baze finansijskih resursa EEA, uz zaštitu institucionalne uloge i nezavisnosti Agencije
- Tražiti potrebno finansiranje za upotrebu punog potencijala Copernicus podataka pomoću snažnog umrežavanja s drugim ključnim sudionicima koji povezuju sve veće protoke podataka s donositeljima politika
- Proširiti učešće EEA i Eioneta u relevantnim istraživačkim projektima EU i time jačati našu ulogu na mjestu spajanja nauke i politike
- Istraživati mogućnosti finansiranja putem finansijskih instrumenata EU kako bi naša mreža mogla olakšati provedbu politike gdje je to potrebno i podržati zajednice prakse
- Jačati kapacitete u zemljama članicama i saradnicama kako bi naša mreža mogla odgovoriti na potrebe i zahtjeve koji se mijenjaju
- Podržati razvoj stručnih kapaciteta i inovacija znanja naše mreže putem strukturiranih mehanizama kao što je EEAcademy
- Podržati stručnost i zahtjeve znanja povezane s potpunom provedbom politika o okolišu i klimi EU i zakona na Zapadnom Balkanu.

Ostvarenje prijelaza održivosti zahtijevat će da sva područja politika i nivoi vlasti sarađuju kako bi pokrenuli promjene i akcije u cijelom društvu. To podrazumijeva koherentne doprinose iz različitih oblasti politika, od istraživanja i inovacija, privrede, industrije, konkurencije i trgovine, do zapošljavanja, obrazovanja i socijalne zaštite.





# Područja rada

Svaki od pet strateških ciljeva bit će primijenjen na sva naša područja rada.

EEA i Eionet će imati ključnu ulogu u podršci okolišnim i klimatskim akcijama prema evropskim politikama, Evropskom zelenom planu, a posebno u provedbi Osmog EAP, kao i globalnim obavezama Evrope.

Prioritet će nam biti razumijevanje veza unutar i između tih područja rada. Bit će pokriveni proizvodni sektori (poljoprivreda, šumarstvo, ribarstvo, industrija) kao i sistemi potrošnje i proizvodnje (energija, mobilnost, hrana, građevinarstvo), uključujući analize širom sektora i sistema.

## 1 Bioraznolikost i ekosistemi



Informirat ćemo i evaluirati akcije usmjerene na zaštitu bioraznolikosti i obnovu ekosistema za njihovu održivu upotrebu za ispunjavanje potreba ljudi. Podržavat ćemo aktivnosti praćenja, izvještavanja i evaluacije zasnovane na podacima, posebno prema Strategiji bioraznolikosti EU do 2030. godine putem:

- Doprinos sistemima praćenja i posmatranja koji unapređuju protoke podataka o stanju i pritiscima na bioraznolikost, promjenama u morskim, vodenim i kopnenim ekosistemima
- Unapređenja našeg razumijevanja kumulativnih utjecaja invazivnih stranih vrsta, zagađenja, klimatskih promjena i intenzivne upotrebe i eksploatacije bioraznolikosti prirodnih resursa i ekosistema
- Jačanja naše procjene ključnih sistemskih pokretača koji utječu na bioraznolikost i ekosisteme
- Unapređenja upotrebe ekološke i ekonomske analitike i modeliranja koji omogućavaju naš rad na procjenama za bolju podršku upravljačkim praksama zasnovanim na ekosistemu
- Podrške pristupima prirodnim rješenjima, s fokusom na zaštiti, obnovi i održivom upravljanju važnih ekosistema, također i u kontekstu akcija koje se odnose na ublažavanje klimatskih promjena i adaptaciju, kao i bioekonomiju
- Unapređenja naše podrške efikasnoj i koherentnoj provedbi međusobno povezanih strategija EU prema Evropskom zelenom planu, kao što su „Od polja do stola“ i Nulta stopa zagađenja, te politika povezanih s njima, uz nastavak našeg rada na uključivanju bioraznolikosti u sve privredne sektore i sisteme koji zavise od prirode, kao što je hrana.

## 2 Ublažavanje klimatskih promjena i adaptacija



Pratit ćemo napredak Evrope ka klimatskoj neutralnosti i klimatskoj otpornosti i podržavati razvoj, provedbu i evaluaciju relevantnih politika i pratećih mjera u kontekstu širih ciljeva održivosti Evrope putem:

- Prikupljanja relevantnih podataka provjerenog kvaliteta i izvještavanja o emisijama stakleničkih plinova kao i utjecajima klimatskih promjena, osjetljivosti i adaptaciji u Evropi
- Analiziranja i procjene tih podataka u odnosu na evropske i državne ciljeve i obaveze ublažavanja i adaptacije
- Praćenja provedbe i utjecaja državnih politika o klimi i pratećih mjera usmjerenih na sektore kao što su energija, transport, građevinarstvo, poljoprivreda, šumarstvo i druga upotreba zemljišta
- Utvrđivanja kompromisa i sinergija politika klimatskih ublažavanja i adaptacije s drugom okolišnom problematikom, kao što je bioraznolikost, zagađenje zraka, slatkovodni i morski okoliš
- Razvijanja znanja o rješenjima za izazove okoliša i održivosti u sistemima energije i mobilnosti

## 3 Ljudsko zdravlje i okoliš



Procijenit ćemo utjecaje na zdravlje koje izaziva zagađenje zraka, tla i vode, buka, hemikalije i klimatske promjene u Evropi. Podržat ćemo ambicije ka nultoj stopi zagađenja u Evropi, kao i razvoj, provedbu i evaluaciju relevantnih evropskih i državnih akcija putem:

- Procjene izloženosti i utjecaja na zdravlje građana izloženih zagađenju okoliša, hemikalijama i klimatskim promjenama u Evropi
- Procjene koristi po zdravlje i dobrobit koje mogu imati čišći okoliš i zdravi ekosistemi, te također utvrđivanjem novih rizika i utjecaja po zdravlje koji su povezani s uništavanjem ekosistema
- Podrške pravovremenom, izvještavanju, obradi i prosljeđivanju tematskih podataka i informacija koji se prijavljuju prema važećim zakonskim propisima i praćenja napretka prema ciljevima politika Evrope
- Utvrđivanja utjecaja koji okolišni pritisci iz društveno-ekonomskih sektora i sistema Evrope imaju na zdravlje, kao i koristi koje akcije i politike ublažavanja mogu imati
- Dodatnog naglašavanja uloge koju mogu imati društveni faktori, uključujući društvene nejednakosti i individualna ponašanja na izloženost i osjetljivost na uzročnike stresa povezane s okolišem, u skladu s pravednim prijelaznim principima Evropskog zelenog plana.

## 4 Kružna privreda i upotreba resursa



Procijenit ćemo napredak prijelaza Evrope ka kružnoj privredi i naše znanje o okolišu i klimatskim pritiscima koje izaziva evropska proizvodnja i potrošnja sirovina, proizvoda, usluga i otpada. Podržat ćemo provedbu Akcionog plana Kružne privrede i povezanih evropskih i državnih politika putem:

- Procjene napretka evropskog prijelaza sa linearne na kružnu privredu, s naglaskom na ključne lance vrijednosti proizvoda i inovativne usluge i poslovne modele
- Naglašavanja prilika za unapređenje kružnosti, uključujući recikliranje i ponovnu upotrebu sekundarnih sirovina, prihvatanje sigurnih i održivih principa izrade, eko-inovacije i dobrih praksi, kao i utvrđivanja prepreka većoj kružnosti
- Praćenja napretka ka ciljevima evropske politike za sprečavanje otpada i održivo upravljanje otpadom
- Procjene utjecaja koji na okoliš i klimu imaju evropski sistemi potrošnje i proizvodnje sa evropskih i globalnih stanovišta s fokusom na resursno intenzivne sektore, kao i povezanosti između kružne privrede, inicijativa za dekarbonizaciju i bioekonomije.

## 5 Trendovi, izgledi i odgovori održivosti



Informirat ćemo diskusije o izazovima održivosti i prijelazima na osnovu procjene sinergija i kompromisa koji se odnose na istovremeno uravnoteženje okolišnih, ekonomskih i društvenih ciljeva putem:

- Procjene trendova i izgleda za održivost u Evropi i globalno u odnosu na okolišne i klimatske prioritete, sektore, sisteme i politike kao podršku „Evropskom okolišu – izvještaji i politike o stanju i izgledima“ za 2025. i 2030. godinu
- Podrške okvirima praćenja zasnovanim na indikatorima koji obavještavaju o napretku prioriteta politika EU, prvenstveno Osme EAP, Pregleda okolišne provedbe, Evropskog zelenog plana
- Doprinosu praćenju i procjeni sa zemljama, napretku okolišnih i klimatskih prioriteta, u skladu sa Agendom UN-a 2030. i Ciljevima održivog razvoja
- Procjene međusobne zavisnosti između društveno-ekonomsko-okolišno-upravljačkih dimenzija održivosti, uključujući pokretače promjena, pozitivne sinergije i negativne vanjske učinke
- Angažiranja s ključnim partnerima u relevantnim strateškim procesima predviđanja i sudionika u EU za prikupljanje uvida i upotrebljivih znanja o pravcima prijelaza ka održivosti
- Podrške razvoju znanja o sistemskim prijelazima kao što su sinergije, rizici, inovacije, integracija politika i koherentnost politika – s naglaskom na gradove
- Procjene kako održivo finansiranje može potaknuti napore za ostvarenje održivosti u okviru planova oporavka nakon pandemije i promjena makroekonomskog konteksta.

### Područja rada

